

ताभ्यामेनं परि देहि राजन्स्वस्ति चास्मा अनमीवं च धेहि ॥  
 उरूणसावसुतृपा उदुम्बलौ यमस्य दूतौ चरतो जनाँ अनु ।  
 तावस्सभ्यं दृश्ये सूर्याय पुनर्दातामसुमद्येह भद्रम् ॥ १२ ॥

LI. RIGVEDA X. 16.

- मैनमग्ने वि दंहो माभि शोचो मास्य त्वचं चिक्षिपो मा शरीरम् ।  
 5 यदा शृतं कृण्वो जातवेदो ऽथेमेनं प्र हिणुतात्पितृभ्यः ॥ १ ॥  
 शृतं यदा करंसि जातवेदो ऽथेमेनं परि दत्तात्पितृभ्यः ।  
 यदा गच्छात्यसुनीतिमेतामथा देवानां वशनीर्भवाति ॥ २ ॥  
 सूर्ये चक्षुर्गच्छतु वातमात्मा द्यां च गच्छ पृथिवीं च धर्मणा ।  
 अपो वा गच्छ यदि त्वं ते हितमोषधीषु प्रति तिष्ठा शरीरैः ॥  
 10 अजो भागस्तपसा तं तपस्व तं ते शोचिस्तपतु तं ते अर्चिः ।  
 यास्ते शिवास्तन्वो जातवेदस्ताभिर्वहैनं सुकृतामु लोकम् ॥ ४ ॥  
 अव सृज पुनरग्ने पितृभ्यो यस्त आहुतश्चरति स्वधाभिः ।  
 आयुर्वसान उप वेतु शेषः सं गच्छतां तन्वा जातवेदः ॥ ५ ॥  
 यत्ने कृणः शकुन आतुतोद पिपीलः सर्प उत वा श्वापदः ।  
 15 अग्निष्टद्विश्वाद्गदं कृणोतु सोमश्च यो ब्राह्मणाँ आविवेश ॥ ६ ॥  
 अग्नेर्वर्म परि गोभिर्व्ययस्व सं प्रोर्णुष्व पीवसा मेदसा च ।  
 नेत्वा धृणुर्हरसा जह्वषाणो दधृग्विधस्थन्यर्यह्वयाते ॥ ७ ॥  
 इममग्ने चमसं मा वि जिह्वरः प्रियो देवानामुत सोम्यानाम् ।  
 एष यश्चमसो देवपानस्तस्मिन्देवा अमृता मादयन्ते ॥ ८ ॥  
 20 क्रव्यादमग्निं प्र हिणोमि दूरं यमराज्ञो गच्छतु रिप्रवाहः ।